

## Mūsu fabulistam

Kod pyrmū ʒaizi fabulys  
maņ tovys nōcās lasāṭ,  
tod, pakasiejis pakausi,  
as sevi sōku prasāṭ:

«Voi nav tys nazkod bierneibā  
jau mōceits krīvu školā?  
Pag, jōpierk krīvu fabulys,  
varbūt tod tikšu golā.»

As ejmu nūpierkṭ Krylovu  
i tivleiṭ verūs iškā . . .

Tod otkon līku tautiskū  
as fabulistu priškā.

Tá vierša vītā ilykts zyrgs  
i tam iz ausṣ pōrs ūdu.  
Cik vīgli aizpeļnāja šys  
sáv fabulista gūdu!

Bet kur ta ir tys nūslāpums?  
Raug, brōlā dāls pi varys,  
i tys ik godus sasmierej  
par veci ryndys garys.

Tam tolkā nōk bors tautišu,  
lai paleidzāt ik breidi.  
Nu dzádzka ir lels fabulists -  
par veļti vysi streidi.

## Divi pamōceibys

Ŗazi kaidis mōceitōjs bej teiĉs  
 I Ńaidi klauseitōjus sveiĉs:  
 — Dīva mīrs ar jums lai voldā,  
 Pi dorba i pi maizis goldā;  
 Pamōceiba jums loba der,  
 Jo satans kotru jiusu grāku ker  
 I roksta sovōs grōmotōs,  
 Lai zustot brīsmu cīsšonōs.  
 Bārni, asot rōmi, klusi,  
 Iz bazneiceni ejmot vusi;  
 Dīvs jiusim labi atmoksōš,  
 Kod dabasūs mūs vysus tīsōs.  
 Kod uperāsīt vinām jārus,  
 Vystys, cōļus i cytus zvārus,  
 Dīva eņgelš jiuš apmeklās  
 Kotru vieleišonūs pīpīldās.  
 Zynot, kas tā pazamynōts,  
 Tys dabasūs teik paaugstynōts!

Šaidi tyka pōrlīcynōts,  
 Kaidis nabogs, kas bīži zamynōts; —  
 Izsmīts bej nu ļaudim borgim  
 I vaidāja zam lōstim, vōrgim  
 Jys tagad tikai strōdōja  
 I vysu mōceitōjam gōdōja

Itai bezspieceībā klīva,  
Atstōts nu cylvāka i Dīva  
Syurā koktā jys gulāja,  
Nu soltuma, slōpis aulāja;  
I rudinī, kod lopys byra,  
Nabogs nu lelō boda myra.  
A kod sābri, tyvūs sātu,  
Vádá jū globōt iz kopsātu;  
Lai nabog-dvāseli pestāt,  
Ar svātu lyugšonu tū ceistāt,  
Laipni mōceitōju lyudzá  
Dūt tai svieteibu i grākus syudzāt  
Nabadzeibu, bet tāvs ni klōt:  
— Kas dabasūs gribš tikš tam vajdzeigs  
īmoksōt!

---

Šīm vōrdim sliedzīni pareizu taisit,  
Zynit kur, kam i kō deļ moksojit  
I na kotra loba pļōpa klausit.

«Latgalīts» Nr.6 1924

J.

## Moralisti

Dzeivōja div kristeigī,  
Obi, zynoms, ticeigī,  
I šī beja fabulisti,  
Lobi ari moralisti.

Vīns par ūtru rakstāja,  
Tai vīns ūtru mōcāja, —  
Kas ir taida katōleiba,  
Voi ar kaida tykumeiba;

Kas ir eista ticeiba,  
Kura teišam kristeiga —  
Springoviča — Rancāna,  
A voi vacō Trasuna ...

Kai ni ir, kod mōca vacs,  
Kura maneiga ir acš, —  
Bet, ak, muļkeibeni tovu,  
Bārns kod mōca „tāvu” sovu!

«Latgolas Dorbs» Nr.5 07.03.1925